

3. An dicta Missa cantari possit in vigilia Epiphaniæ, et infra Octavas privilegiatas.

4. An in festo S. Clare, quæ apud Franciscanos celebratur sub ritu duplici primæ classis, cantari possit missa de *Requiem*, præsentate corpore.

5. An in monasterio Clarissarum Eugubii, in quo feria secunda post festum Sanctissimæ Trinitatis, quotannis fit Officium solemne pro Monialibus defunctis ejusdem monasterii cum magno concursu sacerdotum ad celebrandum pro ipsis, si occurrat illo die Officium ritus duplicis minoris vel majoris non festivum, Missæ privatae dici possint de *Requiem*, vel saltem cantari possit una Missa solemnis de *Requiem* pro eisdem defunctis.

6. An religiosi conventus vulgo *la Romita di Cesi* siti in districtu temporali Cæsiorum, qui tamen remanet intra limites parochiæ terræ Portariæ, teneantur ad Officium de Patrono principali terræ Cæsiorum, vel Portariæ, vel neutrius, cum ab utraque distent tria milliaria.

7. An quando habentur tria Officia translata, et reponenda, unum classicum, alterum duplex majus, et tertium duplex minus, quodnam ex iis reponi debeat in die Commemorationis Omnium Defunctorum, vel potius faciendum sit de die Octava Omnium Sanctorum.

8. Assisii Dominica quarta post Pascha occurrit dedicatio ecclesiæ cathedralis apud Regulares duplex secundæ classis, et eadem die sæpe occurrit festum sancti Petri Regalati, vel S. Paschalis Baylon, aut S. Bernardini Senensis, quæ apud Franciscanos celebrantur sub ritu pariter duplici secundæ classis: queritur, quodnam ex dictis Officiis celebrare debeant Patres S. Francisci.

9. Item queritur, quomodo apud eosdem Franciscanos regulandæ sint Vesperæ, si eadem dedicatio concurrat in primis aut secundis Vesperis cum prædictis sanctis.

10. Eugubii concurrunt secundæ Vesperæ sancti Matthæi apostoli cum primis Vesperis Dedicacionis ecclesiæ cathedralis, quæ a regularibus celebratur sub ritu duplici secundæ classis: queritur, an præfata Vesperæ apud eosdem regulares debeant esse integræ de S. Matthæo cum commemoratione Dedicacionis, vel integræ de dicta Dedicacione.

11. An sacerdos cantaturus Martyrologium in Vigilia Nativitatis Domini nostri Jesu Christi indutus stola et pluviali, accedere debeat ad superiorem gestantem habitum quotidianum, eique naviculam ministrare pro impositione incensi, et genuflexus ab eo benedictionem petere pro annuntianda eadem Nativitate, seu potius idem sacerdos imponere debeat incensum, et annuntiare præfatam nativitatem ejusdem Domini nostri Jesu Christi, absque ulla petitione benedictionis facienda superiori.

12. Aliquando transfertur Patrocinium B. Mariæ Virginis ad 17 vel ad 19 Decembris, quo casu concurrat in primis aut secundis Vesperis cum Officio Expectationis Partus ejusdem B. M. V. Queritur, quomodo in his casibus disponendæ sint Vesperæ.

13. In pluribus locis hebdomada quinta Novembris ob multitudinem Officiorum habentium lectiones primi nocturni proprias, vel de communi, sæpe non remanent dies pro recitandis omnibus initiis Prophetarum Minorum, quamvis tria initia uno die recitentur. Queritur, an in casu omittenda sint initia, quæ locum habere non possunt, vel dicenda sint in officio semiduplici, et duplici majori, vel minori, licet habeant lectiones primi nocturni proprias, vel de communi.

14. An sacerdos pergens ad celebrandum, et calicem manu sinistra portans, possit ad janam sacristiæ accipere aquam benedictam, eaque se signare.

15. An, quando rubricæ mandant ut dicantur duæ Missæ conventuales, nempe de Officio post tertiam, et de feria post nonam, Regulares, qui ad

missam de feria non tenentur, possint eandem celebrare privatim et sine assistentia choristarum, seu potius necesse sit, ut communitas religiosa assistat, ut Missa conventualis dici possit.

16. An prælati regulares, etiam locales, possint ordinare collectam dicendam in Missa a subditis suis tam pro necessitatibus ordinis, quam pro necessitate communi.

17. An, quando in gratiarum actione cantatur hymnus *Te Deum* coram Sanctissimo Sacramento publice exposito, clerus tam ad altare, quam in choro, debeat manere genuflexus, seu potius stare.

18. An commemoratio sancti simplicis occurrentis in duplici secundæ classis omitti debeat in Missa conventuali sine cantu, sed lecta a communitate religiosa.

19. An Regulares possint recedere a recitatione illorum Officiorum ad libitum, quæ fuerunt ab ipsis acceptata, quando satisfacere nequeunt Officiis propriis ordinis.

20. An missæ votivæ solemnes pro re gravi, vel pro publica Ecclesiæ causa, cantari possint in Dominicis primæ et secundæ classis, et in festis duplicibus primæ et secundæ classis, necnon in feriis, vigiliis, et aliis diebus privilegiatis Officia primæ et secundæ classis excludentibus.

Et sacra eadem cong. audito prius voto unius ex apostolicarum cæremoniarum magistr. scriptis exarato, typisque vulgato, ad relationem eminentissimi et reverendissimi dom. card. Archinto ponentis, rescribendum censuit: Ad 1, affirmative; ad 2, in prima die non impedita; ad 3, affirmative quoad primam partem, negative quoad secundam; ad 4, affirmative, excepta tantum Ecclesia titulari, ubi celebratur festum S. Clare; ad 5, negative, et ad mentem, ut supplicetur Sanctissimo pro una Missa solemni tantum; ad 6, dilata; ad 7, nullum ex translatis esse admittendum; ad 8, celebrandum esse Officium Dedicacionis ecclesiæ cathedralis, et reliqua Officia ordinis regularis, eadem die, et sub eodem ritu occurrentia, ad aliam diem esse transferenda; ad 9, Vesperas debere esse integras de dedicacione Ecclesiæ cathedralis cum commemoratione sancti ordinis regularis; ad 10, Vesperas debere esse integras de Dedicacione ecclesiæ cathedralis cum commemoratione S. Matthæi apostoli, ex quo est festum Domini; ad 11, negative quoad primam partem, affirmative quoad secundam; ad 12, totum de precedenti, nihil de sequenti, in utroque casu, ad 13, negative quoad primam partem, affirmative quoad secundam; ad 14, si commode fieri potest, se signet, sin minus se absteat; ad 15, laudandos interessentes, sed non cogendos; ad 16, non licere sine licentia episcopi; ad 17, standum esse; ad 18, affirmative; ad 19, affirmative; ad 20, negative in duplicibus primæ classis, Dominicis privilegiatis, feriis Cinerum, et majoris hebdomadæ, Vigiliis Pentecostes, et Nativitatis Domini. In reliquis affirmative. Et ita declaravit. Die 27 Martii 1779.

Ordinis Minor. S. Francisci de Observantia provincie Conceptionis B. M. V. in regno Portugallie.

1681. Ex parte Patris editoris Calendarii ordinis Minorum S. Francisci de Observantia provincie Conceptionis B. M. V. in regno Portugallie, sac. Rituum congregationi humillime supplicatum fuit pro declaratione sequentium dubiorum, quæ sunt:

1. Sancti, qui in fine anni supersunt, vel sunt ritus duplicis, vel semiduplicis, diebus eorum propriis considerandi sunt tanquam simplices ex decreto 26 Novembris 1755. In Rituali autem P. Cavalieri tom. 1, cap. 6, Decret. 5 cap. (in Ord. 75) legitur, hujusmodi Officia tractari debere ad normam Rubricarum de festis simplicibus, addita tantum commemoratione in secundis Vesperis. Sed cum per decretum 25 Januarii 1745, faciendæ sit commemoratio S. Silvestri in die Dedicacionis pro-

prie ecclesiæ, dubitatur nunc, an, si Officia hujusmodi sanctorum, vel sint ex se ritus duplicis, vel semiduplicis, inciderint in festis solemnioribus primæ classis, fieri de illis debeat commemoratio, maxime in Dominica Paschæ et Pentecostes, et duobus sequentibus diebus (ubi etiam cessant Octavæ), ac in festo Corporis Christi, et Ascensionis.

2. Ambigitur, an talium sanctorum (vel sint ex se ritus duplicis, vel semiduplicis) commemoratio recitanda sit in primis Vesperis primæ vel secundæ classis.

3. Queritur, utrum hujusmodi sanctorum commemoratio præponenda vel postponenda sit commemorationi Dominicæ, vel Octavæ, seu infra octavæ, si cum illis concurrat.

4. Fratres provincie Conceptionis, ex indulto apostolico, possunt celebrare in singulis Sabbatis festo secundæ classis non impeditis, Missam de Conceptione B. M. V., et cum aliquando contingat ipsa die recitari de sancto martyre: queritur in casu, quo colore utendum est pro Missis votivis B. M. V. in illis ecclesiis, ubi fit de martyre ritus duplicis.

5. An occurrente Octava SS. apostolorum cum alio duplici minori, dimidiandæ sint Vesperæ, vel integræ persolvendæ de Octava Apostolorum.

6. Quando recitatur de S. confessore, et in Laudibus fieri debet commemoratio de infra Octavam alterius confessoris propriam non habentis; queritur, unde desumenda est antiphona, ex primis Vesperis, an potius ex secundis, cum infra Octavam primas non habeat Vesperas.

7. An Regulares in festis principalibus suorum ordinum, et maxime in festo fundatoris, seu Patriarchæ, possint addere symbolum in Missa celebranda extra proprias sui ordinis ecclesias.

8. An commemoratio Sanctissimi Sacramenti ob ejus expositionem in duplici primæ et secundæ classis debeat uniri cum oratione Missæ sub unica conclusione quando insimul concurrunt aliæ commemoraciones de præcepto, uti de Dominica, vel de feria majori.

9. An quando defunctus tumulatus fuit vespere ob aliquam causam, possit sequenti mane fieri Officium, et Missa cantari de *Requiem*, etiamsi recitetur de festo duplici.

10. Festum Patrocinii S. Joseph celebratur in Ordine Seraphico Dominicæ tertia post Pascha sub ritu duplici secundæ classis; postea vero pro omnibus ecclesiis regni Portugallie exit recentior concessio, moderniori et correctiori Officio decorata sub eodem ritu pro Dominicæ secunda Octobris. Queritur, an provincie Seraphici Ordinis in Lusitania existentes debeant se conformare cum clero, et aliis ordinibus, tam in Officio novo, quam in die pro regno assignata. Et quatenus negative, dubitatur, an Provincia, quæ a primo anno regni indultum recepit, possit deinceps sic permanere, et ipsi Regno se conformare.

11. Ex decreto 11 Martii 1745, præferri debet festum Patrocinii S. Joseph festis apostol. et evang. tam in concurrentia, quam in occurrentia: an Vesperæ dimidiandæ sint, vel integræ persolvendæ de festis apostolorum.

12-15. In Ordine Seraphico juxta Ordinis rubricam celebratur festum Translationis S. Didaci sub ritu duplici feria secunda Rogationum, dummodo talis dies aliquo festo novem lectionum impedita non sit; quia tunc transfertur translatio; sed cum aliquando ipsa dies impediatur festo S. Antonini ritus semiduplicis, et non sit locus pro transferenda Translatione S. Didaci, dubitatur: quale ex prædictis festis considerandum sit tanquam simplex, festum S. Antonini, an Translationis S. Didaci.

14. Dedicatio ecclesiæ cathedralis celebratur a

Regularibus in civitate degentibus sub ritu secundæ classis, et aliquando concurrat cum aliqua festivitate nostri ordinis ejusdem ritus, et indulgentia plenaria decorata, ac insuper cum Vesperis cantatis celebrata. Dubitatur nunc, an Vesperæ sint dimidiandæ, vel cuiquam eorum integræ sint tribuendæ.

15. An inter Regulares tam celebrans, quam assistentes in celebrandis Matutinis solemnibus possint uti pluviali a principio Officii.

16. An in oratione et versiculis B. Francisci possit addi a Franciscanis: *Beati Patris nostri*.

17. An in adoratione Crucis in feria sexta in Parasceve, debeant prælati regulares pontificalibus non utentes præcedere suo subdito celebranti, vel celebrans primo in loco adorationem peragere.

18. Anthuriferario, et acolythis minoribus permittenda sit sedes in Missa solemni, quando celebrans sedet cum diaconis. Et quatenus affirmative, an tolerari possit illos sedere in gradibus presbyterii, versis renibus ad altare.

19. An in Dominicis quadragesimalibus et paschalibus debeat recitari Præfatio de tempore respectivo, vel Præfatio Trinitatis.

20-21. An in Missa conventuali absque diaconis cantata, assistentibus tantumthuriferario et ceroferariis, et præsentate clero, seu communitate adhiberi possit thus tam in principio Missæ, quam in Evangelio, et Offertorio.

22. An in Missa solemni, quando choræ existit in loco superiori, et ab altari remoto, debeat incensari athuriferario, postquam diaconus subdiaconumthurificavit.

23. An in impositione thuris debeant proferri verba: *Ab illo benedicaris*, quando imponitur incensum in thuribulo, ut videtur insinuari in Rubrica generali, vel dum efformatur signum crucis, ut exsequitur in Rubrica particulari, in qua crucis effigies invenitur inserta in verbo, *Benediſſe caris*, uti etiam similiter fit in omnibus aliis benedictionibus, ubi crux manu describitur illo in verbo, ubi crucis schema exstat depictum.

24. An pulpitem, ubi sermo recitatur in functione lotionis pedum in feria quinta majori, debeat esse ornatum, vel denudatum.

Et sacra eadem congregatio, audito prius voto unius ex apostolicarum cæremoniarum magistris, scriptis exarato, typisque vulgato, ad relationem eminentissimi et reverendissimi D. cardinalis Bosschi ponentis rescribendum censuit: Ad 1, 2 et 3, commemoratio sanctorum 9 lectionum, qui in fine anni supersunt, nec sunt transferendi ad annum sequentem, ut alias decretum, aut sint ritus semiduplicis aut duplicis etiam majoris, diebus eorum propriis (etiamsi occurrant in festis primæ et secundæ classis) faciendæ est ad instar diei Octavæ, et Dominicæ, tam in occurrentia, quam in concurrentia, habita ratione ad ritum, quo descripti sunt in propriis Calendariis; exceptis tantum ultimo triduo majoris hebdomadæ, festis Paschæ et Pentecostes cum duobus sequentibus diebus, in quibus nulla sanctorum commemoratio omnino tolerari debet. Quoad ordinem vero, si die eorum propria aliæ commemoraciones occurrant, servetur, ut prius fiat commemoratio, de quo, secluso impedimento, die illa celebraretur Officium, aut Vesperæ integræ, aut capitulum, aut dimidiæ; ad 4, adhiberi debet color albus; ad 5, scribat alter ex DD. magistris cæremoniarum; ad 6, negative quoad primam partem; affirmative quoad secundam, scilicet pro Laudibus sumendam esse antiphonam de secundis Vesperis, et pro secundis Vesperis, de Laudibus: in utroque tamen casu cum 5 de primis Vesperis; ad 7, affirmative; ad 8, unendam esse in fine aliarum commemorationum de præcepto; ad 9, affirmative, exceptis tamen casu cum quibus Missæ cantatæ de Requiem prohibentur, absente cadavere; ad 10, affirmative in omnibus;

ad 11, *Vesperæ integræ debentur apostolis et evangelistis*; ad 12-13, *Officium fieri debet de S. Antonio, omnia translatione S. Didaci, de qua tamen facienda est commemoratio, quando sit ex Officiis mobilibus de præcepto*; ad 14, *Vesperæ integræ persolvendæ sunt de Dedicatone ecclesiæ cathedralis cum commemoratione sancti ordinis regularis*; ad 15 et 16, *negative*; ad 17, *negative quoad primam partem*; affirmative quoad secundam; ad 18, in Missa solemni, quando celebrans et ministri sacri sedent, possunt etiam in gradibus presbyterii sedere acolythi, et etiam thuriferarius, quando non gerit vicem ceremoniarum; ad 19, in Dominicis quadragesimalibus et paschalis debet recitari *Præfatio de tempore, non vero de sanctissima Trinitate*; ad 20-21, *negative*; ad 22, si chorus existat intra ambitum, et aream ecclesiæ, affirmative: si autem in loco, ad quem accedere nequeant, nisi excedendo ab ecclesia, *negative*; ad 23, serventur rubricæ generales Missalis Romani, 4 De Introitu, num. 4, et Cæremoniales episcoporum lib. 1, cap. 23, § 1 et 2; ad 24, affirmative quoad primam partem, *negative quoad secundam*. Et ita declaravit, et servari mandavit. Die 18 Decembris 1779.

*Ordinis S. Benedicti congregationis Vallisoletanæ in Hispaniis.*

1682. Porrecto sacre Rituum congregationi nomine hodierni P. generalis ordinis S. Benedicti congregationis Vallisoletanæ in Hispaniis supplicii libello pro resolutione sequentis dubii: *An ecclesiarum præfate congregationis certo non consecratum, vel de quarum consecratione dubitatur, Officium Dedicatone earum ab immemorabili recitari et celebrari consuetum, continuari possit; et quatenus negative, supplicatur pro gratia, ne fiat notabilis alteratio in celebratione divinarum Officiorum: sacra eadem congregatio ad relationem eminentissimi et reverendissimi D. cardinalis Boschi ponentis rescribendum censuit: Quoad ecclesias certo non consecratas, negative, et ad mentem. Mens autem est, ut quatenus constat de consecratione ecclesiæ monasterii primarii congregationis Vallisoletanæ, Officium de illius Dedicatone recitari possit in aliis ecclesiis ejusdem congregationis, quæ non habent, seu habere nequeunt diem assignatum pro Officio propriæ Dedicatone: quoad ecclesias vero, de quarum consecratione dubitatur, stante asserta immemorabili consuetudine, nihil innovandum. Et ita declaravit, ac servari mandavit. Die 22 Aprilis 1779.*

*Ordinis S. Pauli primi eremitæ congregationis Montis Ossæ in Lusitania.*

1683. Proposita fuerunt in sacra Rituum congregatione ad instantiam P. rectoris generalis supradictæ congregationis infrascripta dubia, scilicet:

1. An licite continuari possit recitatio Officii, et celebratio Missæ Dedicatone ecclesiarum prædictæ congregationis Montis Ossæ in die prima Septembris per capitulum generale assignata; et quatenus negative.

2. An locus sit novæ concessionis ejusdem Officii et Missæ pro dicta die prima Septembris.

Et sacra eadem congregatio sub infrascripta die habita, referente eminentissimo et reverendissimo cardinali Boschi ponente, re mature perpensa, respondit: Ad 1, *negative*; ad 2, *quatenus constat de consecratione saltem ecclesiæ monasterii primarii totius congregationis, pro gratia*. Die 22 Aprilis 1780.

*Sancti Severini.*

1684. Exortis inter capitulum et canonicos ecclesiæ cathedralis Sancti Severini ex una, et sacerdotes sæculares dictæ civitatis ex altera partibus, controversiis super præcedentia in processibus, quæ fieri solent in dicta civitate; illisque ad sacram Rituum congregationem delatis, infrascripta dubia coram eminentissimo et reverendissimo domino car-

dinali Corsinio episcopo Sabinensi ponente concordata, decidenda proposita fuerunt, nempe:

1. An in publicis processionibus competat præcedentia sacerdotibus sæcularibus, seu potius cantoribus, in casu, etc.; et quatenus affirmative ad primam partem.

2. An, et in quo loco incidere debeant cantores, in publicis processionibus, in casu, etc.

3. An sit locus purgationi attentatorum, ita ut sit circumscribendum edictum anni 1779, in casu, etc.

Et sacra congregatio, utraque parte scripto, et voce prius audita, visisque juribus hinc inde deductis, ad relationem ejusdem eminentissimi ponentis rescribendum censuit: Ad 1, affirmative ad primam partem, *negative ad secundam*; ad 2, in loco ab episcopo designando; ad 3, *negative in omnibus*. Et ita declaravit, ac servari mandavit. Die 22 Aprilis 1780.

*Firmana.*

1685. Porrectis per fratres ordinis Eremitarum S. Augustini civitatis Firmanæ humillimis precibus pro declaratione sequentis dubii: *An consuetudo exponendi feria sexta in Parasceve sacratissimam spinam Domini nostri Jesu Christi ante Missam Præsanctificationum, et consummationem Sanctissimi Sacramenti sit retinenda; seu potius eadem sacra reliquia sit proponenda venerationi fidelium post peractam dictam Missam, et consummatum Sanctissimum Sacramentum, in casu, etc.*: sacra eadem congregatio, habita prius reverendissimi archiepiscopi informatione, auditoque prius voto unius ex apostolicarum ceremoniarum magistris scripto exarato, typisque vulgato, ad relationem eminentissimi et reverendissimi domini cardinalis Marefusi ponentis et præfati rescribendum censuit: *Negative ad primam partem, affirmative ad secundam*. Et ita declaravit, et servari mandavit. Die 29 Julii 1780.

*Mechlinien.*

1686. Cum eminent. et reverend. domino cardinali archiepiscopo Mechliniensi nonnulla occurrerint dubia circa sacros ritus servandos in consecrationibus ecclesiarum, enixe sac. Rituum congregationi supplicavit, quatenus ea benigne decernere dignaretur. Dubia sunt sequentia, nempe:

1. An jejunium in Pontificali Romano præscriptum iis, a quibus consecratur ecclesia, sit stricta obligationis, seu potius tantum de consilio.

2. An sit locale tantum, an personale; seu potius locale et personale simul.

3. An, si ecclesia consecratur die feriali, sit observandum festum in populo tali die cum obligatione in hujusmodi loco abstinendi ab operibus servilibus et audiendi sacrum.

4. An in loco consecrandæ ecclesiæ Officium de communi Dedicatone ecclesiæ sit celebrandum a primis Vesperis die præcedenti recitandis inclusive seu potius duntaxat inchoandum, finita consecratione, scilicet in Vesperis subsequentibus.

5. An eo casu de feria, vel de festo Sancti occurrentis Vesperæ, Matutinum, ac aliæ Horæ præcedentes consecrationem ecclesiæ recitandæ sint.

6. Si Officium a primis Vesperis die præcedente consecrationem celebrandum sit de communi Dedicatone ecclesiæ, quæritur, an pastor, aut alius sacerdos, ruri deficientibus aliis ecclesiis, in ipsa ecclesia consecranda summo mane celebrans pro populi commoditate die consecrationis peragendæ, Missam de Dedicatone ecclesiæ celebrare valeat et teneatur.

7. Si nec valeat, nec teneatur, quæritur, an Missam de festo alias occurrente, aut de Dominica, et quo ritu celebrare debeat.

Et sacra eadem congregatio, audito prius voto unius ex apostolicarum ceremoniarum magistris scriptis exarato, typisque vulgato, ad relationem

eminentissimi et reverendissimi domini cardinalis Archinto ponentis, rescribendum censuit: ad 1, jejunium in Pontificali Romano præscriptum esse strictæ obligationis pro episcopo consecrante, et pro iis tantum qui petunt sibi ecclesiam consecrari; idemque jejunium indicendum esse die præcedente consecrationi, ad formam Rubricæ Pontificalis; ad 2, *negative quoad primam partem, affirmative quoad secundam*; ad 3, *negative*; ad 4, *negative quoad primam partem, affirmative quoad secundam*; ad 5, *Vesperas, Matutinum, Laudes, et Horas consecrationem præcedentes recitandas esse vel de feria, vel de sancto, prout descriptum fuerit in ordinario*; ad 6, *negative juxta modum. Et modus est, ut ubi nulla alia sit ecclesia, vel capella, parochus aut sacerdos celebret post peractam consecrationem; si minus ea die se absteat a Missæ celebratione, et populus audiat Sacrum ab episcopo decantandum*; ad 7, *Missam non esse celebrandam de dedicatione Ecclesiæ, sed de feria, vel de sancto, prout descriptum fuerit in Calendario*. Et ita declaravit, ac servari mandavit. Die 29 Julii 1780.

*Ordinis Carmelitarum Excalceatorum congregationis Hispaniæ.*

1687. Propositis sac. Rituum congregationi per P. Antonium a S. Josepho procuratorem generalem ordinis Carmelitarum Excalceatorum congregationis Hispaniæ sequentibus dubiis, nempe:

1. An in die S. Marci, ac in tribus feriis Rogationum, teneantur Regulares cantare Missam conventualem de Rogationibus, seu potius de festo occurrente cum commemoratione Rogationum, cum regulares non teneantur ad duas Missas eadem die; et quatenus affirmative quoad primam partem, et negative quoad secundam.

2. An, et quæ orationes dici debeant in Missa Rogationum.

3. An rubrica posita in Missa S. Joannis apostoli assignans Præfationem de Nativitate, accipienda sit generaliter, ita ut talis Præfatio debeat dici in omnibus Missis festivis occurrentibus infra Octavam Nativitatis etiam habentibus Præfationem propriam: seu potius dicta rubrica sit exceptio rubricæ generalis, ita ut in sola Missa S. Joannis apostoli debeat dici Præfatio Nativitatis, non vero in aliis Missis sive festivis, sive votivis propriam Præfationem habentibus.

4. De Vigilia, quæ occurrit in Adventu, nihil sit in Officio. Quæritur, utrum in Missa in qua de Vigilia sit commemoratio, legendum sit ejus Evangelium in fine.

5. Utrum, quando non prohibentur Missæ defunctorum, possit celebrari Missa de Requiem pro defunctis vage sumptis, id est pro quibus communitas debet applicare aliquam, vel aliquas Missas, quin celebrans sciat determinate, sitne pro sacerdote, pro laico, pro viro, pro femina, etc.; et quatenus affirmative.

6. Quæritur, quæ prima oratio erit dicenda in tali Missa.

7. Utrum sub prohibitione celebrandi Missas privatas post solemnem decantatam, et administrandi fidelibus sacram Eucharistiam in nocte Nativitatis comprehendantur Carmelitæ utriusque sexus, maxime cum apud illos cantetur Missa solemnis non in media nocte (hoc enim tempore incipit Matutinum), sed circiter hora 3; et quatenus affirmative.

8. An consuetudo contraria immemorabilis valeat sustentari saltem quoad moniales, et religiosos choriastas, et laicos.

9. Cum inter Patres Carmelitas discalceatos Hispaniæ antiqua vigeat consuetudo se in choro prosternendi super terram in Missa conventuali post elevationem calicis, et cantato *Benedictus qui venit*, etc., usque ad orationem Dominicam exclusive,

quæritur, utrum hæc consuetudo contrarietur Rubricæ xvii Missalis num. 5; et quatenus affirmative.

10. An nihilominus retineri possit imposterum, et quatenus negative.

11. Quæritur, quem statum servare debent, standi vel genuflectendi, et quem ab *Agnus Dei* usque ad sumptionem.

12. Sacra Rituum congregatio, 28 Januarii 1668, concessit ordini Carmelitarum discalceatorum facultatem recitandi Officium votivum sine ulla temporis exceptione semel in hebdomada, die non impedito festo novem lectionum, et non obstante posteriori decreto 20 Martii 1706, posito in initio Brevariarii Romani, prohibente hujusmodi Officia votiva in Quadragesima, nihilominus PP. Carmelitæ discalceati, recta quidem fide, perseverarunt hucusque recitando hujusmodi Officium votivum etiam in Quadragesima. Quæritur modo, utrum prædicti Patres continuare queant in Quadragesima talem recitationem; et quatenus negative.

13. Supplicatur P. generalis, ejusque definitorium generale pro gratia, ut ad præfatum tempus extendatur concessio, attentata devotione, quam prælaudatus Carmelitarum ordo habet erga Sanctissimum Sacramentum, ob quam olim eadem sacra Rituum Congr. illi concessit octavam privilegiam pro solemnitate Corporis Christi, et ulterius nisi hujusmodi Officium recitetur in Quadragesima, non datur locus toto anno, in quo possit recitari.

14. Eadem sacra Rituum congregatio, 18 Septembris 1666, concessit præfato ordini, ut quater in anno posset recitare ritu duplici Officium votivum Sanctissimi Nominis B. M. V. die non impedito festo novem lectionum; vi hujus concessionis prælaudatus ordo hactenus illud recitavit etiam tempore Quadragesimæ, fortasse quia utpote concessum pro quater in anno, videtur non comprehendi in decreto prohibitivo 29 Martii 1706, quod tantum loquitur de Officiis votivis semel, vel pluries in singulis hebdomadis, vel mensibus. Quæritur ergo, utrum hujusmodi praxis possit continuari; et quatenus negative.

15. Supplicatur pro gratia, ut supradictum Officium votivum extendatur etiam ad tempus quadragesimale pro die non impedita festo novem lectionum, cum in toto anno non remaneant dies vacui, in quibus recitetur, nisi in tempore Quadragesimæ.

16. Eadem sacra congregatio, 9 Julii 1668, concessit præfato ordini, ut semel in mense die non impedita festo novem lectionum celebretur Officium votivum S. Theresiæ virginis, ejusdem ordinis fundatricis, supplicatur pro modo extensionis ad tempus Quadragesimæ.

17. Ob impedimentum perpetuum Quadragesimæ, festum principale S. Joseph Protectoris congregationis Hispaniæ Carmelitarum Discalceatorum celebratur sine Octava; et ideo provisum est a sacra Rituum congregatione, ut Octava adjudicaretur secundario ejus festo Patrocinii; sed cum hoc festum licet ritum secundæ classis non excedat, pompa tamen extrinseca, maximeque interna animi commotione Religiosorum celebretur; imo et pluries in statutis provinciis concursus populi conveniat: quæritur, num in concursu, et concursu cum festis apostolorum et evangelistarum, præferentiam obtineat; et quatenus negative.

18. Supplicatur pro gratia, ut præferatur festum Patrocinii festis apostolorum, et evangelistarum, attentata solemnitate maxima, quam sortitur inter Carmelitas discalceatos, et maxime attentata dignitate personæ S. Joseph super apostolos.

19. Officium S. Laurentii Martyris celebratur cum cantu à Patribus Carmelitis Discalceatis ex præscripto Constitutionum, hebdomadario cum pluviali ad Vesperas, acolythis et thuriferario etiam respectue paratis, et ejus Missa cantatur cum in-

nistris ceroferariis, et incenso; festum vero SS. Justini et Pastoris, licet ejusdem ritus apud Hispanos, nihil solemnitatis sortitur inter Patres Carmelitas. Queritur ergo, utrum in concursu dierum festorum debeantur integræ Vesperæ S. Laurentio martyri, ex Rubrica xi Breviarii Romani num. 2.

20. Utrum dignitas, qua gaudent festa apostolorum et angelorum, extendatur ad eorum diem octavum, quando cum Octava celebrantur, ita ut concurrente die octavo in primis vel secundis Vesperis cum festo duplici minori inferioris dignitatis, integras sortiatur Vesperas dies octavus cum sola commemoratione præcedentis vel subsequentis.

21-24. Utrum in pronuntiatione lectionis Martyrologii Romani elogium S. Cypriani oppidi Pontis Tiberii principalis Patroni sit separandum ab elogio S. Cornelii, ex eo quod Officium unius separatur ab alio.

25. An S. Cyprianus nominandus sit in primo loco.

Sacra eadem congregatio, audito prius voto unius ex apostolicarum cæremoniæ magistris, scriptis exarato typisque vulgato, ad relationem eminent. et reverend. dom. card. Corsini ponentis, rescribendum esse censuit: *Ad 1, in duplicibus primæ et secundæ classis canendas esse duas Missas: in reliquis dilata, ad 2, dicendas esse orationes a rubrica præscriptas, scilicet primam de Rogationibus, secundam Concede de B. M. V., tertiam pro Papa vel Ecclesia; ad 3, negative ad primam partem, affirmative ad secundam; ad 4, affirmative, exceptis feriis Quatuor Temporum; ad 5, affirmative; ad 6, dicendam esse primam orationem Deus, qui inter apostolicos, etc., ut habetur in eodem Missali; ad 7, affirmative; ad 8, negative; ad 9 et 10, servari posse; ad 11, dilata; ad 12, negative; ad 13, negative; ad 14, 15 et 16, negative, et servetur decretum anni 1706; ad 17, negative, cum agatur de festo secundario; ad 18, negative; ad 19, integras Vesperas de digniori cum commemoratione de sequenti; ad 20, negative; ad 21-24, affirmative in omnibus; ad 22 et 23, affirmative; ad 24 et 25, ad me ponentem cum D. promotore fidei. Et ita declaravit, ac servari mandavit. Die 16 Februarii 1781.*

#### Asculana.

1688. Exortus inter capitulum ecclesiæ collegiæ terræ Ophydæ diocesis Asculanæ ex una, et magistratum dictæ terræ et litis partibus ex altera controversiis super iuribus, et præminentis pro sacris functionibus in supradicta collegiata ecclesia peragendis, illisque ad sacram Rituum congr. delatis, infrascripta dubia coram eminent. et reverendiss. D. cardin. vicecomite ponente concordata proposita fuerunt.

1. An, et in quibus functionibus ecclesiasticis collegiata ecclesiæ terræ Ophydæ intervenire debeat magistratus ejusdem terræ, in casu, etc.

2. An pro functionibus, in quibus intervenire debet magistratus prædictus, fieri debeat eidem intimatio diei et horæ, in qua functiones incipiunt, seu potius sit servanda tabella horaria capituli, in casu, etc.

3. An, et a quo ex capitulo, seu presbyteris ad dictis servitio Ecclesiæ collegiæ præstanda sit aqua benedicta magistratui ingredienti ecclesiam, in casu, etc.

4. An, et a quo sit comitandus idem magistratus interveniens supradictis functionibus, dum ab Ecclesia discedit, in casu, etc.

5. An magistratui accedenti ad ecclesiam interveniendi causa sacris functionibus assignari debeat sacrarium, seu aliud cubiculum eidem adnexum, in quo persistat, usquedum sacre functiones incipiunt, in casu, etc.

6. An sit servanda consuetudo faciendi in festo

Purificationis Beatissimæ Virginis præter distributionem candelarum in altari, etiam alteram mulieribus, et populo in janua ecclesiæ ante discessum magistratus ab ecclesia, seu potius sit facienda post discessum ejusdem magistratus, in casu, etc.

7. An eidem magistratui intervenienti publicis concionibus præter solitam generalem reverentiam ante initium concionis, fieri debeat a sacris concionatoribus specialis reverentia post inceptum exordium concionis, in casu, etc.

Et sac. eadem congregatio, utraque parte scripto, et voce informante audita, visisque iuribus hinc inde deductis, ad relationem ejusdem eminentissimi ponentis, rescribendum censuit: *Ad 1, servetur solitum; ad 2, affirmative ad primam partem; ad 3, 4 et 5, negative; ad 6, faciendam esse post discessum magistratus; ad 7, faciendam esse unicam reverentiam ante initium concionis, primam capitulo, alteram magistratui, et generalem populo, et amplius in omnibus. Et ita eminentissimi Patres censuerunt, declaraverunt, et servari mandarunt. Die 23 Junii 1781.*

#### Aretina.

1689. Porrecto sacre Rituum congregationi nomine archiepiscopi ecclesiæ collegiæ loci Trojani diocesis Aretinæ supplici libello pro resolutione sequentium dubiorum.

1. An in nocte Nativitatis Domini nostri Jesu Christi liceat cuicumque sacerdoti ante auroram celebrare Missam privatam absque indulto Sedis Apostolicæ; et quatenus negative.

2. An contraria praxis, ubi introduci vellet, vel jam esset introducta, declaranda sit abusus, et directe opposita legibus Ecclesiæ, ita ut per episcopum sit abscindenda.

Sacra eadem congregatio, audito prius voto unius ex apostolicarum cæremoniæ magistris, scriptis exarato, typisque vulgato, ad relationem eminent. et reverend. D. card. vicecomitis ponentis, rescribendum censuit: *Ad 1, non licere; ad 2, contrariam consuetudinem declarandam esse abusum, et episcopus curet abscindi. Et ita declaravit, ac servari mandavit. Die 18 Septemb. 1781.*

#### Civitatis Castellane Præminentiarum.

Inter capitulum insignis collegiæ ecclesiæ matricis S. Andreae terræ Vallerani, et reverend. D. Victorem Parochiarum curatum venerab. ecclesiæ S. Victoris, et reverend. dominum Hieronymum Janni sacristam alterius ven. ecclesiæ B. Mariæ Virginis de Ruscello dictæ terræ Vallerani super dubiis:

1. An sit locus observationi concordæ anni 1754, initæ inter archiepiscopum S. Andreae, et curatum S. Victoris super processione Corporis Christi, seu potius capitulo insignis collegiæ, et parochialis ecclesiæ S. Andreae competat privative jus faciendi dictam processionem tam in dicto festo, quam in ejus Octava, et quatenus affirmative ad secundam partem.

2-3. An sit locus observationi alterius concordæ anno 1751 initæ inter easdem partes super alternativa celebratione ecclesiasticarum functionum intra annum.

4. An capitulo insignis collegiæ, et parochialis S. Andreae competat privative jus faciendi processionem Sanctissimi Sacramenti tertia Dominica cujuslibet mensis; et quatenus affirmative.

5-7. An curatus et coadjutor S. Victoris debeant abstinere a celebratione, seu cantu choralium Officiorum, et Missæ conventualis; et quatenus negative.

8. An dicto curato, et coadjutori sint assignandæ horæ distinctæ ab horario dictæ ecclesiæ collegiæ.

9. An totus clerus terræ Vallerani, et signanter supradictus curatus, et coadjutor S. Victoris, et

capellani ecclesiæ B. M. V. de Ruscello, cogendi sint ad interessendum omnibus processibus publicis, quæ privative fiunt ab archiepiscopo, et capitulo ecclesiæ collegiæ.

10. An post archiepiscopum spectent privative ad præpositum, iisque absentibus, vel impeditis, ad canonicos dictæ collegiæ omnia jura præminentia tum in processibus, tum in aliis publicis functionibus, quæ privative fiunt a dicto archiepiscopo, et capitulo.

11. An in processibus, quibus interveniunt capitulum collegiæ, curatus, et coadjutor S. Victoris, necnon sacrista, et capellani B. M. V. de Ruscello debeant omnes incedere, et in quo loco sub cruce capituli.

12. An, et qui locus sit assignandus in aliis functionibus prædicto curato, sacristæ, et capellani.

13. An immediate post processiones, quæ ducuntur ad Ecclesiam S. Victoris tam die festo S. Antonii Patavini, quam die quinta Septembris, celebranda sit, et a quo, Missa solemnitas.

14. An diebus festis sanctorum, et votivis celebrari solitis in ecclesia S. Victoris, quibus intervenit archiepiscopus, et capitulum S. Andreae ad celebrandum officia choralia, et Missam solemnem, liceat curato dictæ ecclesiæ S. Victoris aliam Missam solemnem, et alia officia choralia vel ante, vel post interventum prædicti capituli celebrare.

15. An invito capitulo, ad associationem cadaveris alterius parochiæ S. Victoris debeat illius curatus incedere, quo loco, et cum stola, sub cruce capituli.

16. An electa a parochiano S. Victoris sepultura in ecclesia collegiata, et recusante illius curato levare, atque associare cadaver, liceat capitulo levare, et deferre illud ad propriam ecclesiam.

17. An electa a parochiano S. Andreae sepultura in ecclesia S. Victoris, liceat capitulo ingredi dictam ecclesiam cum stola, et cruce elevata, et aliquas functiones facere circa cadaver.

18. An liceat idem archiepiscopo, et, eo absente, præposito, et capitulo in associatione funerum ad alias quascunque ecclesiæ etiam extra districtum parochiæ S. Andreae.

19. An dignitatibus, vel, iis impeditis, canonicis Missam, et Vesperas solemniter ubicunque extra propriam Ecclesiam celebrantibus competat jus habendi assistentes in officio diaconi, et subdiaconi de gremio capituli.

20. An curato S. Victoris terræ Vallerani liceat ducere processiones particulares ejusdem ecclesiæ extra portas dictæ terræ.

21. An archiepiscopo S. Andreae terræ Vallerani liceat ducere processiones particulares ejusdem Ecclesiæ extra ambitum suæ parochiæ.

22. An concio quadragesimalis, et tempore Adventus tam diebus feriatis, quam festivis privative fieri debeat in dicta ecclesia collegiata.

23. An constet de attentatis, et quomodo, et a quo sint purganda.

A sacra congregatione responsum fuit, ut sequitur: *Ad 1, negative ad primam partem, affirmative ad secundam quoad diem festum tantum; ad 2-3, negative, et ecclesiam S. Victoris reintegrandam esse ad primæ jura; ad 4, negative et ad mentem; ad 5-7 et 8, negative; ad 9, affirmative quoad processiones publicas et generales tantum; ad 10, affirmative quoad functiones spectantes ad archiepiscopum tanquam primam dignitatem; ad 11, affirmative in omnibus, ante capitulum, et clerum sub ipsius cruce; ad 12, provisum in antecedenti; ad 13, celebrandam esse per digniorem de capitulo; ad 14, negative; ad 15, dilata, et ad eminent. ponentem juxta mentem; ad 16, perquisito, expectato per congruum tempus, et renuente parochio,*

*affirmative; ad 17 et 18, dilata et ad eminent. ponentem juxta mentem; ad 19, affirmative, quando totum capitulum convenire debet; ad 20, affirmative, dummodo sit intra ambitum parochiæ, et interveniat licentia Ordinarii; ad 21, negative; ad 22, ad eminent. ponentem juxta mentem; ad 23, nihil de attentatis: et in omnibus dubiis amplius.*

Spiegazione della mente della sacra congregazione: *Ad dubium quartum: La mente è, che la processione da farsi la terza Domenica di ciascun mese non sia privativa della Chiesa di S. Vittore, ma che l'Ordinario concordi il giorno, in cui si debba fare dall'una, e dall'altra chiesa; ad dubia 13, 17 et 18, la mente è, che scriva un maestro di cerimonie da destinarsi dall'eminentissimo ponente; ad dubium 22, la mente è, che l'Ordinario, osservato ambedue le Chiese, ed avuto riflesso alle ragioni, che possono competere all'una, e all'altra, destini il luogo, o i luoghi, dove si debba fare la Predica nella Quaresima, e nell'Avvento. Et ita declaravit, et servari mandavit. Die 10 Septembris 1782.*

#### Gnesnen.

1690. Reverend. archiepiscopus Gnesnensis Poloniae primas ad præcedendas controversias, quæ exortæ fuerant inter canonicos suæ ecclesiæ metropolitane, et primatialis episcopali caractere insignitos, et eos, qui episcopali dignitate carent super præcedentia tam in choro, quam in aliis ecclesiasticis functionibus, mandavit rem proponi in capitulo, eaque per dictum capitulum generale remissa ad ejusdem reverend. archiepiscopi redditum in patriam; etsi certo ipsi non innoverit, an capitulum prædictum totum arbitrium ipsi conferre voluerit, vel non; cum tamen dilatio ulterior jurgia, et controversias magis excitasset, infrascripta decreta imposterum observanda pro bono, et quiete Ecclesiæ suæ, et dignitate episcopali, edidit, videlicet:

Universis, et singulis, quorum interest, intererit, aut quomodolibet interesse in futurum poterit, significamus, et ad notitiam indubitam deducimus, relatum nobis fuisse, et esse qualiter in capitulo generali illustrissimorum, perillustrium reverendissimorum prælatorum, et canonicorum almæ ecclesiæ nostræ metropolitane Gnesnensis, pro festo Translationis S. Adalberti episcopi, et martyris die 29 mensis Octobris anno elapso celebrato propositum fuerit de, et super stallo, ac loco in choro dictæ ecclesiæ nostræ metropolitane episcopis titularibus, prælaturis, et canonicis in eadem ecclesia possidentibus assignando, idemque negotium ad nos, uti et tanquam loci Ordinarii Gnesnensem, sit remissum, mediante decreto ejusdem capituli generalis, die, ut supra, lato tenoris sequentis.

Illationem hanc illustrissimi, et reverendissimi dom. Gasparis Izaiewski episcopi Larandensis canonici metropolitani, ac administratoris generalis archidieocesis Gnesnensis de stallo episcopis titularibus, prælaturis, et canonicis in hac ecclesia possidentibus in choro designando factam, præsens reverendissimum capitulum generale ad felicem celsissimi principis loci Ordinarii in patriam adventum remittit. Nos itaque illationem hujusmodi decreto capitulari ad Nos remissam, totumque hinc inde emergens negotium cum omnibus suis annexis, et connexis auctoritate nostra ordinaria resolvantes, unaque simul, quibusvis dubiis, et controversiis de stallo, et præcedentia ad præsens exortis, sive imposterum quomodolibet exoriendis provise, et indilate occurrere volentes, inherendo tum laudabili consuetudini aliarum ecclesiarum cathedralium in præmissis observari solitæ, tum attento eo, quod in hoc potissimum regno dignitas episcopalis plurimum honoratur, eoque intuitu episcopi Poloni tam in senatu, quam in publicis consensibus, priori loco distinguuntur, eo magis ut in facie ee-